





John Carter Brown.









RVDIMEN

TORVM COSMOGRAPHICO

*rum Ioan. Honteri Coronensis libri IIII cum
tabellis Geographicis elegantissimis.*

De uariarum rerum nomenclaturis per
classes, liber I.



TIGVRI APVD FROSCHO

uerum. Anno. M. D. XLX.



RVDIMENTORVM COS=

mographicorum Ioannis Homeri Co.
ronensis Liber I.



Ocelorū partes, stellas cum flatibus, urbes,
Regnaq; cum populis, sparsas & in æ
quore terras,

Montesq; & fluuios, iunctisq; animalia plantis:
Officia ac sectas uarias, operumq; labores,
Morborumq; simul species & nomina dicam.
Mundus in æthereum, qui desuper imminet orbi,
Inq; elementorum duplicatur corpora primum.
Æthereus duplices sphaerarum continet orbes,
Fixaq; cum septem stellis errantibus astræ.
Maiores cycli, qui mundum partibus æquis
Distribuant, ut signifer æquatorq; feruntur:
Quemq; dies medius designat, & imus horizon,
Lacteus, ac duo qui ducuntur ab axe coluri.

Zodiacus primum bisenis unūq; signis
Conspicius, tropicum attingens obliquus uertit.
A summo cancrum, capricornum cernit ab imo.
At qui signiferum rectus secat, unq; priori
Lanigeri libræq; gradu licet æquæ & umbras,
Æquator, media in mundi regione locatur.

JOHN CARTER BROWN

LIBER

Qui paribus spacijs occasum cernit & ortum
 Circulus, & gemino concurrit semper in axe:
 Discernitq; diem, uariatq; mensembrinus orbem.
 Hinc medium sphaerae superum distinguit ab imo
 Alter, & is caeli primum terraeq; supremum
 Coniungens, fertur (quia usum finit) horizon.
 Lacteus hinc sequitur candore notabilis ipso,
 Qui solus caelo spectatur nocte sereno,
 Transuersusq; diu geminum praetermeat axem.
 Mox bini subeunt, qui quattuor ante relatos,
 Secq; secant, gemino coeuntes cardine mundi,
 Tempora qui signant anni, caelumq; per astra,
 Quattuor in partes diuisum mensibus æquis.

Hinc alios numerant praedictis orbe minores,
 Qui per inaequales diducunt sidera partes.
 Circulus ad boream complectitur Arcton, & intus
 Sidera concludit liquidum fugientia pontum.
 Alter ad aëlii defixus sidera Cancri,
 Solstitio longum cogit decedere Solcm.
 Tertius hunc ultra Erumalis nomine dictus,
 Quo nocte a tropico sol porrigit in capricorno.
 Unus ab his superest extremo proximus axi,
 Quem totius primum notius describit horizon.
 Hisq; parallelis zonis ubi quinq; profundum

Diuiditur

PRIMVS.

Diuiditur cœlum, totidemq; plagæ orbe premuntur,
 Quarum quæ media est, uix est habitabilis æstu,
 Nix tegit alta duos, totidem inter utraq; locatæ
 Temperiem retinent mista cum frigore flamma.
 Hanc nos incolimus, contraq; antichthones illam.
 Nec dubium antipodes multis consistere terræ
 Partibus, ad centrum directis undiq; plantis.
 Puncta duo cœlum in paruos ubi uoluitur orbes.
 Constituere polos, gemitosq; à cardine mundi
 Per centrum terræ tenuis deducitur axis.

Signifer hinc bissex obliquat sidera, quorum
 Sex uidet ad boream, sex æquidialis ad austrum.
 Terdenis gradibus signum distinguitur unum,
 Bis tricenæ, gradus memoratur habere minuta.
 Atqui signorum uaria est natura generum.
 Mascula sunt, aries, gemini, leo, libra, sagitta,
 Fusor aquæ, iunctumq; simul sortita calorem.
 At sibi scemineam consciscunt frigida sortem,
 Bos, cancer, uirgo, capricornus, scorpio, pisces.
 Frigida sunt nocti, sed mascula sacra diæ.
 Ipsa quoq; his anni uariantur tempora signis,
 Namq; aries, taurus, gemini, sunt sidera uisus.
 Aestatem cancer, leo trux cum uirginis complent,
 Scorpius autumnum, et dædici cum lance sagittæ.

LIBER

Inde hyemem pisces, capricornus, aquarius addunt.

Restat adhuc eadem ternis proportio signis:

Ignæ triplicitas aries, feruens leo, Chiron:

Terrea sed taurus, uirgo & capricornus habentur:

Aërem sortem chelæ, urniger atq; gemelli:

Scorpius appropriat, piscesq; & cancer aquosam.

Deniq; cum uegetet communis corpora uirtus,

Singula membra tamen quoduis sibi uendicat astrum:

Quippe aries capiti, taurus ceruicibus hæret,

Brachia sub geminis censentur, pectora cancro.

Sorte regit scapulas leo, uentrem atq; ilia uirgo,

Libra tenet lumbos, & scorpius inguine regnat,

Arcitenens femori, genibus capricornus amatur,

Cruraq; fusor aquæ reficit, uestigia pisces.

Et quoniam uariæ currentes ordine stellæ

Corporis æquales spacio, similesq; colore,

Haud internosci poterant, solertia sparsas

Struxit in effigiem & uariarum membra ferarum,

Imposuitq; simul iunctis cognomina stellis.

¶ J boream geminas ingens Draco diuidit Arctos.

hinc subit Arctophylax pariterq; Corona, Lyraeq;

proximus Engonasis: post hunc ophiuchus et Anguis.

Mox Aquila & Telum surgunt, & lactea Cygni

videre Boasus hinc sequitur Delphina, simulq;

Andromede

P R I M V S.

Andromede, Cepheusq; & Cassiopea parentes,
Armatusq; gener Peseus: circum ora Medusæ
Horrida, Deltoton simul Heniochusq; feruntur,
Hinc aries, taurus, gemini, cancer, leo, uirgo,
Libraq; scorpius, arcitenens, caper, hydria, pisces.
Cetus & Eridanus post hæc uertuntur ad austrum,
Orionq; premens Leporem. Procyonq; resurgens,
Inde Canis maior stellataq; cernitur Argo,
Perq; trium loca signorum se porrigit Hydra,
Craterem dorso gestans, Coruumq; loquacem.
Hic Fera Centauro resupina tenetur, at ultra
Thuribulum, notæ Piscis fugit astra Coronæ.

Sunt etiam propriæ dictorum sidera partes:
Pleiades in dorso tauri sex esse feruntur,
Fronte sedent Hyades, fundendis imbribus aptæ,
Inde Propus pedibus geminorum præuia, sed quæ
In cancro nubem referunt, Præsepe uocantur,
Moxq; duo circum Præsepe feruntur Aselli.
Regia stella nitet generosi in corde leonis,
Virginis in summa gestatur Spica sinistra,
Sed Protrygeta subit prope dextram uirginis alam,
Quattuor in dextra quæ conspiciuntur aquari,
Vrnam: at quæ pisces connectunt, Vincula dicunt.
Nodus inest Vinclo: pedibus subiecta Bootæ

LIBER

Arcturi stella insequitur Plaustrumq; Bouesq;
 Postremas Helices stellæ: humeroq; sinistro
 Heniochi residet sidus pluuiæ Capelle,
 Inq; manu læua geminus discernitur Hædus.
 Ast argo in summa micat incluta stella Canopi.
 Sirius inde Canis fixus maioris in ore.

Hinc tibi per medium septem decliue feruntur,
 Saturnus, Sol, Luna, Venus, Mars, Iupiter, Hermes
 Fixa quidem toto circumuoluuntur olympo
 Sidera, sed proprios retinent errantia motus:
 Semper enim currunt fixis contraria stellis,
 Atq; domos habitant bisseña per astra, suasq;
 Exercent illic proprio quisq; ordine uires.
 Luna tenet cancrum, geminos cum uirginis astro
 Mercurius, tauro & chelis Venus ipsa quiescit.
 Feruidus inde leo Soli, sed scorpius ardens
 Atq; aries Marti cedunt: hinc piscis uterq;
 Centaurusq; Iouem, Saturnum fusor aquarum
 Rectorem agnoscit, simul ægocerotis & astrum.

At planetarum in rapidis distantia signis,
 Dicitur aspectus, quo se impediuntq; iuuantq;.
 Cum duo planetæ alterutris distare uidentur
 Sextam signiferi partem, uel per duo signa,
 Aspectus fertur sexangulus: at tria quartam

Zodiaci

PRIMVS.

Zodiaci partem cum stant per signa planetæ,
 Conspicitur facies quadrangula: tertia sed pars
 Signiferi, reddit per quattuor astra trigonum.
 Deniq; per mediam contraria sidera partem
 Eminus aspectum soliti firmare planetæ:
 Ac certis spacijs concurrere rursus eodem
 In signo, quoties superi obscurantur ab imis.
 Sunt etiam aduersa gemini se parte secantes
 Orbes, quos faciunt Solis Lunæq; meatus:
 Sectio qua Phoebe gelidas ascendit ad arctos,
 Hec eadem caput est: sed & altera cauda draconis,
 Qua Luna imbriferum cursu descendit ad austrum.

Accipe quo spacio perlustrent signa planetæ:
 Saturnus cursum duodena per astra rotatum
 Motu retrogrado terdenis conficit annis.
 Bissenisq; Iouis bissenæ perambulat astra
 Sidus: at ipse duos graditur Mars amplius annos.
 Sol in se sua per uestigia colligit annum.
 Signa Venus, dubiusq; anno minus amplius Hermes,
 Sed bis quindenis percurrit Luna diebus.

Hinc ortum triplicem nobis posuere priores,
 Quo stellæ ascendunt, obituq; sub æquora pergunt.
 Cosmicus exorto stellas cum sole reducit,
 Cum simul aduersæ tingunt se Tethyos undis.

LIBER

Occiduo Chronicus surgentes cernit horizon
 Sole, & in opposita stellas regione cadentes.
 Quin ubi Phœbus equis summo procul axe recessit,
 Incipiunt stellæ sensim apparere minores.
 Mox cum sol propior flammis opera omnia lustrat,
 Astra polo fugiunt, quorum simul agmina cogit
 Lucifer & cœli statione nouissimus exit.

Vt stellæ in longum primo distare uidentur
 Arietis à puncto, sic has ecliptica monstrat
 Linea signiferi in latum cecisse. Per axem
 Et fortunatas quæ transit linea terras,
 Inde quidem trahitur distantia longa locorum.
 Sed spaciū latum est, quod ab æquatore recedit,
 Atq; poli gradibus respondet ubiq; leuati.
 Declinat sidus, cum distat ab æquidiali.
 Eleuat, ex imo quod in altum mittit horizon.

Messē minorum quiuis semisse recepto,
 Quindenū gradus, respondent protinus horæ
 Vnius spacio: sex & triginta feruntur:
 Quisq; gradus denos retinet: quantoq; recedit
 Longius à medio noctes æquante diesq;
 Orbe, magis coiens geminum decrescit ad axem,
 Aestiuosq; dies numerosis explicat horis.
 At gradus in longum, sub cyclo scilicet æquo:

PRIMVS.

In latum, stadijs respondet ubiq; locorum
 Quingentis, quorum spacia hæc tibi carmina signant,
 (Quattuor ex granis digitus formabitur unus.
 Est quater in palmo digitus, quater in pede palmus:
 Quinq; pedes passum faciunt, passus quoq; centum
 Quinq; & uiceni stadium dant: sed miliare
 Octo dabunt stadia, & duplatum dat tibi leucam.)
 Milleq; bis decies passus nunc iura diurnum
 Constituere uæ spacium: miliaria forte
 Quattuor, exiguæ minus nostratia reddunt.

Inferior mundus tellure & aqua, aëre & igne,
 Dicitur ex primis rerum consistere causis:
 Ex quibus assiduus uicibus modo cuncta creantur,
 In quæ iterum, quicquid natum est, natura resoluit.
 Aëris æthereo uis est stabilita sub igne,
 Quæ sibi dissimilis triplici regione notatur,
 Summa calet, media est gelidissima, proxima utrunq;
 Aestatem ac frigus diuerso tempore sentit.
 Quippe uapor duplex ascendit in aëra, primus
 Crassus & humidior propria grauitate tenetur:
 Aridus atq; calens sine pondere profilit alter.
 Ex humente quidem concreescere sæpe feruntur
 Hybernæq; niues, matutinæq; pruinae,
 Largior & crassus descendens nubibus imber,

LIBER

Roresq; nebuleq;, & mista grandine nimbi.
 E sicco alterna generantur sorte uapore,
 Fulgura cum tonitru, rapidi cum fulmine uenti.
 Nomina uentorum posthac patriamq; docebo:
 Quattuor oppositis ueniunt è partibus orbis,
 Quos circum uarij dextra laeuq; feruntur,
 Impelluntq; leues aduersis flatibus auras.
 Frigidus à summo descendit Aparctis axe,
 Circius ad zephyrum, Boreas hunc cingit ad ortum.
 Auster ab aduerso pluuias inducit olympo,
 Ab Lybe qui dictum, dictum quoq; spectat ab Euro.
 Insuper & uerno flat Subsolanus ab ortu,
 Solstitium huic sociat retrahentem nubila uentum.
 Brumaleq; tropæ uiolentum flatibus curum.
 Occiduo Zephyrus de cardine spirat, at ipsum
 Africus hyberno coningit sole cademe,
 Ac simul Argestes æstiuo solstitiali.
 Tempus & ad solidam propius descendere terram,
 Quæ centro in medio penitus firmata quiescit.
 At circum roseis sol uectus ubiq; quadrigis,
 Exortu lucem, discessu procreat umbram.
 Eclipsimq; facit, si quando corpora lunæ
 Obiectu terræ radijs intacta relinquit.
 Oppositisq; leuem pingit sub nubibus Irim.

Nec

PRIMVS.

Nec dum etiam solitas diuersis mensibus anni
Continuare nices, uariasq; nouare locorum
Perpetuo cessat motus discrimine formas.

Longa parallelis est subdita terra duobus,
Vnde dies medius ab reliqua distinguitur horam:
Clima q; in oppositis memoratur partibus orbis.
Atq; hinc per Meroen, per niloticamq; Syenen,
Et per Alexandri, rhodij quoq; Apollinis urbes,
Perq; Hellepontum atq; Borysphenis ostia currunt,
Riphæasq; arces, quibus additur ultima Thule.
Inde per antithesim contraria climata longas
Imparibus spacijs uariant noctesq; diesq;.
Quinetiam tellus uaria ratione uocatur,
Insula, continuum simul & peninsula, & isthmus.
Aequoreos itidem fluctus, quibus abditus orbis,
Oceanum appellant, pelagusq; sinumq; fretumq;.

RVDIMENTORVM COSA

mographiconum Liber II.

Nunc quoque terrarum triplices percurrere
partes,

Europæ, pariterq; Asiæ, Libyæq; calenis,
Aggrediar, priscis miscens noua nomina regnis.
Nanq; uelut rerum cursus sub sole per orbem
Incertis vicibus nunc huc, nunc fluctuat illuc,
Nec retinere ualet stabilem per secula sortem:
Sic olim indigenis bello, fame, peste fugatis,
Nomina sæpe nouis sunt commutata colonis.
Finibus Europæ clauduntur iberica regna,
Quæ prima oceanum spectant, solemq; cadentem.
Hinc sursum uersus borealia littora Galli,
Germaniq; tenent, et gentes Sauromatarum,
Quæ Scythiam partim contingunt solis ab ortu:
At Scythiam Thraces opibus belloq; superbi,
Et Macedum quondam clarissima regna sequuntur.
Græcia dehinc notium longe procurrit ad axem,
Cui Peloponnesus bimari coniungitur isthmo.
Hinc procul ionios exceptans margine fluctus
Adrias, Illyricis Italos seiungit ab aruis.
Europæ medium Dacorum regna tenent: mox
Pannoniæ

S E C V N D V S.

Pannoniæ tellus uicinis iuncta Polonis,
 Vndiq; terrificis premitur nimis obuia bellis.
 Principioq; triplex Hispania continet urbes,
 Bætica quas posuit, quæ nunc Granata uocatur:
 Quasq; Tagus spectat per Lusitanica regna,
 Quæ modo Castiliæ mutato nomine tellus,
 Galliciæ simul & Portugallensis habetur.
 Et quas præcipiti cursu pertransit Iberus,
 Qui per Nauarram tarraconensia rura
 Obliquus fugiens, pelagi coniungitur undis.
 Corduba principio præpollet, & Ispalis urbes,
 Priscæq; Tartessus, Paxiulia, Compostella,
 Hinc & Vlyssippo simul & Salmantica, moxq;
 Illipule magnæ & geminæ Carthaginis arces.
 Toletum, infelixq; olim Numantia, Burgis,
 Mœniaq; Emeritæ, & Gallis uicina Gerundæ:
 Tum Pompeiopolisq; Augusta; cæsaris, atq;
 Tarraco quæ nomen citimo dedit inclyta regno.
 His iungas ueterem cum Barchinone Saguntum,
 Dertosanq;, urbemq; Valentis nomine dictam,
 Ac plures alias, ubi non obscura feruntur
 Flumina, & hesperio recludunt ostia ponto,
 Bætis, Anas, Doriæq; simul Miniq; fluenta,
 Et Tagus auriferis passim fœcundus arenis,

LIBER

Hic Sacrum, Nerium, promontoriumq; Trileuce
 Oceano incumbunt: pelago Scombraria, Calpe,
 Quæ sociam spectat trans æquora strictæ columnant.
 Gallica Pyrene sublimi uertice regna
 Hispanis terris discernit solis ab ortu,
 Quattuor in partes diuisa: Aquitania prima est,
 Celtica quam sequitur: sed Belgica Narbonensem
 Desuper arctois submotam spectat ab oris.
 Has nunc alternis uicibus tenuere minores,
 Gasconij Turonensesq; nouiq; Britanni,
 Normandi, Franci, Burbonenses & Auerni,
 Picardi, Flandriq;, Hanones, dicesq; Brabanti,
 Campaniq;, & quos Burgundia prisca Sabaudis,
 Ac Delphinatus pariterq; Prouincia iungunt.
 Verum Aquitanorum celebres memorabimus urbes:
 Primaq; Burdegala est, post hanc Genebumq; tenetur,
 Et Turonensis tellus, & Auaricon, Andes.
 Lutetiam inde colunt, & lugdunensia Celtae
 Mœnia, sed celsit Rotomagus in ordine Belgis,
 Et Gandauorum populi, ciuesq; Louani.
 Tullion hinc Lotharingorum atq; metensia rura
 Intermixta manent germanis undiq; terris.
 Cis Rhodanum Auenion iacet, Allobrogumq; Vienna:
 Mox Arclas Geneuæq; lacus, Vifonion, atq;
 Massilia

S E C V N D V S.

Maſilia externis quondam conſtructa coloniſ.
 Vltior Narbo, Mous peſſulus atq; Tolofa.
 Sequana poſt Moſam, Ligeris, fluminiuſq; Garumna,
 Oceani repetunt diuerſa per oſtia fluctus.
 In medium pelagus concordi fluminis alueo
 Ipſe Araris Rhodaniuſq; Iſara atq; Druentia currunt.

Germanas etiam terras prope flumina Rheni,
 Atq; alias alio iungam ſub ſole iacentes.
 Occiduas partes gens martia Germanorum
 Heluetij, ſimul & Vaſti colit incola regni:
 Moxq; Sicambrorum populi, cultiq; Bataui.
 Cimbrica cum Friſijs Septem ſubiecta trioni
 Cherſonneſus habet Pomeranos proxima ſaltus.
 Sleſia ſed roſeos ſolis conſurgit ad ortus.
 Inde Morauorum tranſgreſſus rura uidebis
 Auſtriacos colles & campos uitibus aptos.
 At Styriae ſcopuli, rariſq; Carinthia campis
 Auſtrales, tangunt Atheſina cacumina: moxq;
 Heluetiae ſummis æquandæ nubibus alpes,
 Quattuor in partes aliò currentia fundunt
 Flumina, Danubium, Rhenum, Rhodanuſq; Paduſq;.

Interiora tenent diuerſis Teutones arua
 Nominiſus, iuxta Hercynia: cultiſſima ſyluam
 Rhoetia Vindelicos Virtembergenſibus agris

LIBER

Diuidit: Alfaciam post hos Franconia iungit
Hessorum populis: quin & Turingia Misne
Saxonas ac Marchos sociat, sed Norica tangit
Oppida, coniuuis munita Boëmia syluis.

Trans Rhenū celebris Constanzia prima tenetur,
Mox Basilea, simulq; Argentinenſia rura.
Treueris inde uctus Maguntinenſibus aruis
Iungit Aquisgranum, Agrippinenſesq; colonos.
Geldria, Traiectum, pariterq; Antuerpia magno
Vicine oceano, cis Rhenum plurima paſſim
Oppida reſpiciunt Fryſiorum ac Veſtſala rura.
Lipſia Brunſuigam gelidas hinc ſpectat ad arctos,
Caſſiliam ad zephyrum, diſiunctos rurfus ad amnes
Hinc atq; hinc geminam Francfurti diſpicit urbem.
Aſt Erdſfordenſi ſuccedit proxima tractu
Herbipolis, ſimul & uicinior Vlma Tubingæ.
Norica metropolis poſt has, & Praga ſequuntur,
Breſlaq; Lubecumq; ac Vittembergæ: ſed ultra
Danubium, tepidoq; habitata propinquius auſtro,
Grecia, Villacumq;, Oeniq; cacumina pontis.
Hiſq; Salisburgam ſocias, pulchramq; Viennam,
Cumq; Ratiſſona Monachum: dehinc Vindelicorum
Auguſtam placet, & Patauinas addere ripas.
His quoq; largiſſui fontes miſcentur & amnes:

Ad

S E C V N D V S.

Ad Boream currunt Amasus, Visurgis & Albi,
Rhenus, & hinc Odera, ac popularis utriq; Suevus.
Danubius reliquos secum deducit ad ortum.

At nunc Sarmaticos campos Scythiamq; niualem
Cis Tanaim fluvium & Meotidis ampla paludis
Aequora, sub stellis geminae lustrabimus Vrsæ.
Hanc terram primum ueteres coluere Agathyrsi,
Et cum Thyssagetis Nomades, rigidiq; Georgi,
Quin & Hamaxobij plausiris sine sede uagantes,
Basternaq; Getæq; sagittiferiq; Geloni.
Insuper Euxino propior gens Taurica ponto,
Taurica supra alias quondam sæuissima gentes:
Sed cultus terræ postremis mitior annis
Contigit. Hesperiam partem, zephyrusq; propinquam
Nunc propria duplices retinent diuione Poloni,
Et quæ Sarmatico coniuncta est Prussia ponto.
At Massouitas simul & Samogitia rura,
Ad boream accliu sequitur Liuania tractu.
Nec procul hippophagis affinis Russia Moschis,
Iunctaq; Lithuanos tangit Podolia saltus.
Est etiam extremo quædam sub cardine tellus,
Ac Noriuegorum glaciale proxima ponto
Littora & indomitæ contermina Suetia Gottis,
Scanorumq; rigens arctæo frigore tractus.

LIBER

Sed tamen & cœlo propiora fruuntur iniquo
 Oppida, Riphæis nimis infestata pruinis.
 Atq; ideo raræ indigenis cultoribus urbes,
 Quas inter celebris Posnania prima Plocenses
 Dantiscosq; pari discernit limite campos.
 Inde Toronensi Mons regius additur urbi,
 Moxq; propinqua Rigæ Mariæburgensibus agris
 Littora, Sarmaticiq; caput Cracouia regni:
 Quin & Lublinæ sociata Premislia terræ,
 Vilna quoq; & propior Leoburga tepentibus austris.
 Istula præterea, liquidiq; Borysthenis unda.
 Pluraq; per Scythicas currunt sine nomine terras
 Flumina, stagnantesq; augent remorata paludes.

Sed iam tempus erit propiores uisere partes.
 Pannoniam Illyriamq; simul, Thracenq; cruenti
 Mauortis patriam, nimium nimiumq; propinquos
 Dalmatiæ fines, uastatamq; undiq; Bosnam.
 Mysorum inde solum, Dacorumq; oppida: quæ nunc
 Moldauiq; tenent, transalpiniq; Valachi.
 Et quæ carpathio septem circumdedit arces
 Vertice, bulgaricis modò Transyluania terris
 Haud multum disclusa. Sed enumerabimus urbes:
 Regia Budensis prima est, mox Agria, post quam
 Crennuciæ montes, Posonensiaq; arua sequuntur,

Et

S E C V N D V S .

Et cum Strigonicis Cassovia prisca colonis.
 His quoq; Belogradum, & regalem iungimus Alban,
 Emporiumq; simul Varadini, atq; alta Cibini
 Mœnia, præcipitiq; sitam sub monte Coronam,
 Quam primam Europæ Christi documenta sequentem
 Sol oriens radijs lustrat propioribus urbem.
 Mox Adrianopolis Sophiæ uicinior aruis,
 Nicopolisq; triplex iacet, & Selymbria, Varna:
 Inde Liburnorum Scardona, simulq; Ragusi,
 Quæq; tenent Ponti Byzantia littora fâuces.
 Quid memorem Anchialonq;, Heracleamq;, Perinthūq;
 Abderamq; Maroneamq; & Olynthon & Aenon,
 Callipolimq;, & quæ sociant freta Seston Abydo,
 Atq; alias, quarum iam nil nisi nomina restant?
 Imò etiam patrijs nunc uix hæremus in oris.
 Non tamen antiqui desunt regionibus amnes.
 Danubius secum defert Oenumq; Lycumq;,
 Germanos fluuios: sed aquæ septemplex Isfri
 Nomine mutato decliuius undiq; ripis
 Præcipitem Drauum ac Sauum, placidumq; Tibiscum,
 Et patrium simul in Pontum comitantur Alutham.
 Strymonis Aegæo, Nessiq; Hebriq; fluenta
 Miscentur pelago. Montes quoq; partibus illis,
 Ismarus & Rhodope, coniunctusq; Orbelus Hæmo,

Et qui Dalmaticis late discernit ab oris
Rascentes populos sinuoso uertice Scardus.

Vltior Macedum tellus, quondam inclyta regna,
Cominet Albanos, mox Pæonas atq; Pelasgos
Æmathiæ campos quoq; Mygdoniæq; recessus.
Hæc prope Thessalicis Magnesia iungitur agris.
Doris item spectat Locrensis rura, sed ultra
Proximat Aonijs Phocensis & attica tellus.
Trans isthmum Actoli simul & uicinus Acarnan,
Epirusq; iacet, uarijs distincta colonis.
Atq; hæc prisca quidem, nunc Turcia tota uocatur,
Helladis ac uix dum uestigia parua supersunt.
Quin igitur ueteres potius celebrabimus urbes:
Primaq; Dyrrachiū est, urbisq; ab Apolline dictæ
Mœnia, Pieriæq; domus gratissima Musis.
Hinc Hypatæ Phthiæq; & Larissæ sequuntur
Oppida, mox & Opūs, & Pella insignis alumnis,
Et quæ prima fidem nostrum diffudit in orbem,
Amphipolisq; simul, necnon Berrœa Philippiq;
Et Thebæ Baccho celebres, & Apolline Delphi.
Aulidis hinc portus, Megara & cerealis Eleusis,
Tum proprium diuæ cognomen & urbis Athenæ.
His quoq; Naupactum, Anticyram & Calydonia rura,
Leucadiq; Ambraciamq; simul, glandisq; feracem
Dodonam

SECVNDVS.

Dodanam & celsam Buthroti iungimus urbem.
 Per Macedum fines pelagi petit Axius undas:
 Nec procul & Chabrus rapidiq; Haliacmonis annis,
 Peneusq; fluens medius per Theffala Tempe:
 Sperchij Ismeniq; uadum, Cephisus, & acer
 Illissus, crebrasq; urgens Achelous arenas.
 Quinetiam uarij celebrantur in Hellade montes:
 Pelius, Othrys, Athos, & fato nobilis Oeta
 Herculis, & bijugo Parnassi uertice colles:
 Virgineusq; Helicon, natusq; ad sacra Cithæron,
 Ossaq; cum Pindo, maiorq; ambobus Olympus.
 Hinc spectant Adriæ prærupta Ceraunia fluctus,
 Sunion Aegeum. Sed uastas carmine terras
 Helladis emensi, bimarem transibimus isthmum.
 Ac simul argolicas & achæidas atq; Laconum,
 Et Peloponnesi reliquas per littora gentes,
 Urbibus ex proprijs dictas lustremus, & intus
 Arcadas antiquos: quibus adijcientur & urbes,
 Argosq; Sparteq; agamamnoniæq; Mycenæ:
 Mox Epidaurus adest, & nobilis ære Corinthus,
 Olenus & Sicyon, Patraeq; humilesq; Cleonæ.
 Gythion ac Troezen, Messene, notaq; Lerne.
 Inde Methona, Pylus. Pisarum atq; Elidis urbes,
 Mantinea, Tegeæ, Megalipoleosq; coloni.

LIBER

Inachus Argolicos campos, Asopus Achiuos,
Eurotas cultus Lacedæmonis irrigat agros:
Nec procul Alpheus lapsus subter mare, qui post
Ore Arethusa tuo siculis confunditur undis.
Arcadiani illustres incingunt undiq; montes,
Menala, Taygetus, Pholoë ac Stymphalides umbræ,
Et cum Cylleno gelidi pineta Lycei.
In mare Spiraëum tendit, Maleæq; furentis
Aëstus, & Acritas ac Tanarus ostia Ditis.

Hesperios procul hinc tractus, atq; itala regna
Incingit mare quod supra, quodq; alluit infrà:
Sed mediam duplices secatur Appenninus utrinq;
Ausoniam in partes, Adriam littusq; sinistram
Cum Carnis Venetiq; colunt, Galli; togati,
Umbri Picentesq; uiri, Prisci; Sabini,
Pelignosq; sequens Erentanus & Appulus agros.
Hic salentini calabriq; per oppida campi,
Magna; in ausonijs habitatur Græcia terris.
Brucia Lucanos tyrreno littore primos,
Et Campanorum lætos circum æquora colles,
Volsorumq; domos spectat, ueteresq; Latinos,
Hinc Ligurum populos, Hetruscorumq; penates,
Insubriumq; agros, spaciosasq; insuper urbes:
Quæq; tenent Veneti munita palatia ciues,

Et

SECUNDVS.

Et Mutinæ Patauiq; arces, ditisq; Rauennæ.
 Histrorum inde iacent Tergeste, Aquileia tractu:
 Vltrâ Ancona mari spectata, Bononia campis,
 Mox & Ariminon & Ferraria, Nursia, Sulmo,
 Sipuntum atq; Amiterna domus, Venusinâq; rura,
 Brundisium, Hydruntûq; propinquaq; tecta Crotonis.
 Inde Tarentinæ Metapontum iungimus urbi,
 Rhegion ac Locros, biseriq; rosaria Pæsti,
 Sirenum scopulos, promontoriumq; Mineruæ,
 Surrentum, Capuam atq; altum Præneste, Salernum,
 Parthenopesq; arcem, & Cumæa templa Sibyllæ,
 Nuceriæ & Nolæ Beneuentanosq; colonos,
 Antiphatæq; domum, & circæa littora terræ.
 Mox Caieta iacet, Sinuessâq; Tybur, Aquinum,
 Ardeaq; & rerum quondam pulcherrima Roma.
 Roma caput mundi: Perusinaq; rura sequuntur,
 Et Florentinis immissus mœnibus Arnus.
 Nec Mediulani pulchram reticebimus arcem,
 Dertonam Ticinumq; simul, Genuamq; superbam,
 Tridentum Pisamq; urbem, ueteremq; Cremonam,
 Mantua quam sequitur, Verona, Placentia, Parma,
 Atq; aliæ plures, quas præterlabitur amnis
 Eridanus, post hunc Rubicon præcepsq; Timæus:
 Hinc Tifernus, & Hirpinis è montibus ortus

LIBER

Aufidus: ac Tuscum qui deuoluuntur in æquor,
 Vulturūsq; celer, Silari Sarnūq; fluenta,
 Cuiq; fuit rerum concessa potentia, Tybris.
 Sed quis finis erit, si prosequar omnia uerbis
 Oppida & apricos colles, syluasq; lacusq;
 Fluminaq; & campos, sinuososq; undiq; portus?
 Omnia sunt fama totum uulgata per orbem.

RVDIMENTORVM COSA mographiconum Liber III.

HActenus Europæ lustratis ordine regnis,
 Et procul hinc uentis immēsa per æquora uecti.
 Tandem Asiæ magnæ populos uidemus & urbes.
 Hanc late triplici contingens littore uastus
 Alluit oceanus. Zephyris obuersa tenetur.
 Inclyta Syrorum tellus, Asiæq; minoris
 Portio, & antiquo notissima carmine Colchis.
 Tum uariæ gentes passim desertæ Scytharum,
 Mox etiam tenui felices uellere Seres,
 Tartariciq; tenent borealia rura coloni.
 Hinc oriens Scythiam trans celsum spectat Inmaum,
 Regnaq; trans latum quæ restant indica Gangem.
 Quinetiam interior longe procurrit ad austrum
 India, Carmanisq; propinqua Gedrosia terris.

Persidis

TERTIVS.

Persidis inde solum sequitur, chaldaëaq; regna,
Totaq; thariferis Panchaia pinguis arenis.
Multaq; intus gentes celebres, populiq; potentes
Terrarum uarios sparsim tenuere recessus.

Sed nos iam Syriae pennis aduersa fauoni
Littoraq; & terram lustremus melle fluentem.
Prima Palestinam Sirbonidis alluit unda,
Mox & oliuiferis Iudææ collibus, illinc
Phoenissas pariter gentes, Apamenaq; rura,
Verum hinc palmiferam prorsus sociabis Idumen.
At Galileorum spaciofo limite fines
Latifluus Iordan scindit Trachonitidis aruis.
Interiusq; solum bis quinis urbibus aptum,
Hinc Coelen syriam, hinc Casiotidis aspicit agros:
Insuper & mediam concludunt flumine terram
Tigris & Euphrates, qui per Babylonica lapsi
Mœnia, uoluntur sinuosum in Persidis æquor.
Sunt etiam egregiæ dictis regionibus urbes,
Ascalo, & Antipatris, pariterq; Azotia rura,
Et Samaritanis habitata Sebastia colonis.
His sacram Solymorum ædem, Gazamq; potentem,
Cæsaream duplicem, & priscam iungemus Ioppen,
Cum Sidone Tyrum celebrem, & Ptolemaidis urbem,
Beryton ac Tripolim, Myriandron, Laodiceam,

LIBER

Tiberij, atq; alias Galilæi littoris arces,
 Et Gadarenorum fines, urbemq; Scytharum.
 Nec procul Europum claramq; uidebis Edeffam,
 Nisibim, & latio maculatas sanguine Carras.
 Est quoq; diuersis non una Seleucia terris,
 Prima tenet littus, medios colit altera campos.
 Palmyra deinle subest, Hieræpoleosq; coloni.
 Antiocheia duplex, quarum accolit altera Taurum,
 Altera per medium labentem cernit Orontem.
 Chrysoroas pulchro præterfluit anne Damascum.
 Iordanisq; sacer geminus è fontibus ortus,
 Per letas ualles & amœnos undiq; saltus
 Tandem Asphaltitæ diris immergitur undis.
 Hoc tractu quondam Deus impietate superbas
 Sulfureis flammis Sodomorum perdidit urbes.
 Et Iericunta quidem similis uindicta secuta est:
 Totaq; nunc regio priscis uiduata colonis,
 Obruta desertis uestigia quærit in agris.
 At nunc præcipuos uideamus in ordine montes,
 Fœcundum cedris Libanum, celebrataq; fama
 Carmeli iuga: mox è quo Deus ipse tremendo
 Fulgure cum tonitru lapsus perterruit orbem.
 Inde duplex Casius geminato uertice surgens,
 Hinc Pelusiacæ, inde Seleuci iungitur urbi.

Verum

TERTIVS.

Verum age nunc tandem portas superemus Aman.

Ac primos Cilicum populos, Asiaq; minoris
 Littora, & internos peragremus ubiq; recessus:
 Pamphylia & Lycias urbes, Lyciaq; propinquos
 Caras, & Aegæi confines æquoris agros:
 Ionie clarasq; domos, Lydosq; penates,
 Aeolidosq; & Mysorum quondam inclita rura.
 Hinc Rhetœa iacent Phrygiæ clarissima bello
 Littora, principiumq; Propontidis Hellepontus:
 Mox Bithynorum fines, quâ strictior alter
 Bosphorus Euxinum pontum concludit: at ultra
 Paphlagonum tellus coniuncta est Leucosyrorum,
 Cappadocum & Chalybii ferri prægnantibus agris.
 Inde Lycaoniæ Pisidarumq; arua, simulq;
 Mæones & Galatæ medios tenuere recessus.
 Verum ea barbariæ nunc tam confusa premuntur,
 Vt neq; sint noti fines, neq; mœnia terris:
 Atq; ideo ueteres urbes, & prisca locorum
 Nomina & insignem quondam celebrabimus Iffum,
 Mox intus Cydni diuisam flumine Tharsum,
 Et crassam Soloen Pompei nomine dictam,
 Coryciamq; urbem pariter portumq; specumq;
 Nec procul Aspendus ripas tenet Eurymedontis.
 Hic etiam Attalicis colitur uicina colonis

LIBER

Cynthia Pergensis simul & Patarcus Apollo.
 Inde Cragiq; iugum, nocturnoq; igne Chimeram
 Terribilem, & Xanthi flauas inquamus arenas:
 Piscosamq; Gnilon potius, claramq; sepulchro,
 Urbem Halicarn ssam, & Mausoli nomine regis,
 Aegaiq; alias memoramus littoris urbes:
 Ionicaq; caput gentis, celebremq; uirorum
 Miletum patriam, & Mycales sub rupe Prienen,
 Cum Colophone Ephesum Latoidos æde superbam.
 Hinc Sardi coniuncta tenent uineta Timoli,
 Clazomenæ litus, sinuosos Smyrna recessus.
 Interius Trallis, Philadelphia, Laodiceæ,
 Pergamus ac Thyatira: sed & clarissima rerum
 Troia sub ideis radicibus, unde Scamandri
 Et Simoentis aquæ uoluuntur in Hellespontum.
 Antandrus posthac subit, inq; Propontidis oris
 Cyzicus, extremoq; iacens Nicomedia Ponto.
 Hanc supra ad boream sunt & Chalcedones agri,
 Atq; Heraclei fines, ubi dicitur olim
 Cerberon Alcides ferro durisq; catenis
 Ex Acheronte imo superas traxisse sub auras.
 Niceam Ascanius, sed Prusam illustrat Olympus.
 Inde Cythoriaco cum monte uidebis Amastrim,
 Et Teuthranteos fines, notamq; Carambin:

Moxq;

TERTIVS.

Moxq; Sinopenſes medijs ſpectantur Amifi
 Partibus, irriguiſq; affueta Themifcyra campis,
 Hic & Amazonidum prope flumina Thermodoontis
 Caſtra fuiſſe ferunt: extrema in littora Ponti
 Vertice montano Trapeſus incluſa receſſit.
 Interiore Sebaſtopoliſq; & Amafia tractu,
 Ancyra & Iconium, Derbe, cumq; urbibus amplis
 Antiochenorum, uix nota parte coluntur.
 Hic tamen Aegæo curuiſ illabitur undis
 Mæander, ſimul & cantu celebrata Cayſtri
 Flumina, Pæctolo coniungitur aurifer Hermus:
 Vorticibuſq; altis remorata fluenta Cayci,
 Atq; alij ſubeunt non parui nominis amnes.
 Partheniuſ poſthac, & Haly uicinior Iris,
 Sangariuſq; petunt Euxini littora ponti.

His tamen omiſſis pariles uideamus ad ortum
 Armeniæ tractuſ, præſecturaſq; potentes,
 Et Pariedri altoſ apiceſ, monteſq; Ceraunoſ:
 Vteriuſq; auro celebratam & uellere Colchin.
 Aſt Albanorum medioſ includit Iberoſ
 Planicieſ, finem Cyro quæ ducit ab anne,
 Et premit coaſ Hircano littore parteſ.
 Samoſata Euphratiſ ripaſ, Melitenaq; rura,
 Tigranocerta tenet colleſ, Artaxata campoſ.

LIBER

Cassia quæ præcep̃s ad littora fertur Araxes.
 Inde Dioscorias in finibus Heniochorum,
 Mercibus externis & uocum mille figuris
 Inclyta, latifluas despectat Phasidis undas.
 Nec procul Hermonassa uetus, uinclisq; Promethei
 Caucasus, ac niuib; syluisq; grauatus opacis.
 Essedones Colchis accedunt, moxq; Coraxi,
 Cimeriæq; graui pressæ caligine terræ.
 Inde Melanchlenis Mæotidos accola Sindon
 Iungit laxamatas Scythici prope fluminis oram.
 Quin & Hyperboreos montes, Scytiæq; niualis
 Interiora tenent uariæ sine limite gentes.
 Prima Arimaſporum gryphis inimica propago,
 Finitimi quoq; Amazonicæ telluris Alani:
 Adde & Arimphæos laxartarumq; recessus,
 Hippophagos, Anthropophagosq; Galactophagosq;
 Quiq; intus folijs depectunt uellera Scres.
 Multaq; præterea Scythicæ cognomina gentis,
 Quas procul à Tanai boreali parte iacentes,
 Immensus mediam percurrrens asida terram
 Taurus ad extremum discludere dicitur ortum:
 Taurus, qui dîtes populos terrasq; potentes
 Indorum tepidos late speculatur ad austros.
 Hic iacet emporijs tellus opulenta marinis,

Fertilis

T E R T I V S.

Fertilis omnigenum rerum: semperq; uirenti
 Fronde nemus bisera crebros parit arbore fructus,
 Multaq; uastarum nutrit portenta ferarum.
 Nullæ illic hyemes, sed sol æstate perenni
 Vicinis radijs uernantia temperat arua.
 Atq; ideo multæ gentes & maxima regna,
 Sinarumq; solum & Chryse peninsula. sed quis
 Omnia barbarici tractus longeq; remoti
 Nomina, tam tenui ualeat percurrere uersus?
 Indica cis rapidum spaciofo flumine Gangem
 Terra, Palimbotrosq; Chelonophagosq; colonos,
 Bracmanesq; tenet, mox duros Gymnosophistas,
 Bucephaleq; urbis fines, Nysamq; superbam,
 Quam Bacchus quondam primis orientis in oris
 Condidit: at Macedo non inferiora reliquit
 Oppida, transgrediens armis uictoricibus indum.
 Haud procul oceani per littora flexa, Gedrosi,
 Carmaniq; iacent, & florentissima regna
 Persidis: ulterius Chaldaeorumq; penates,
 Orchoa, Persepolisq; simulq; Hecatompylos urbes,
 Susarumq; arces, Babylonicaq; arua coluntur.
 Ast in secessu duplici circumdata tellus
 Aequore, Petraeos montes, desertaq; passim
 Iugera, felicesq; Arabum distinguere campos

LIBER

Dicitur, hæc Nabateorum procul intus ad ortus,
 Panchæumq; solum, Pygmæorumq; phalanges
 Terribiles gruibus spectat, pinguesq; Sabæos.
 Hæc thuris lacrymas, & odores pascit amomi,
 Cinnamæq; costumq; simul, casiaq; saporem,
 Et nardi fruticem, ac stillantem cortice myrram.
 Nunc Sarraceni redolentibus undiq; campis
 Rura tenent, Mechamq; superstitione potentem.
 Atq; alias celebres dictis in partibus urbes.
 Sed nos Hyrcani repetemus littoris oram,
 Assyrios, Medos, Hyrcanorumq; colonos,
 Cyropolinq; arcem, Niniq; ad Tigridis undas
 Mœnia, & Ecbatanis iunctam Ctesiphonta vetustis,
 Arsaciaq; urbis tractum, longeq; remotos
 Bactrorum populos, Paropanisdumq; recessus.
 His Arianorum gentes, Parthosq; fugaces,
 Sacharumq; domos, Arachosiaq; insuper aruas
 Multaq; si libeat, Latæ non cognita lingue
 Oppida, iam dictis poteris coniungere terris.
 Africa nunc sequitur feruore notabilis ipso,
 Vasta, minusq; frequens, tantum fecunda ferarum,
 Interius quâ sol mediis nullas iacit umbras,
 Vruntur flammis, siccisq; teguntur arenis
 Deserti tetro serpentum afflamine campi:

Quodq;

TERTIVS.

Quodq; die solis uiolento incanduit aestu,
 Humida nox reficit, paribusq; refrigerat horis.
 Sed notam Libyci peragrames littoris oram,
 Solis ab occasu, solis uideamus ad ortum,
 Ameiq; domum Tingin, constructaq; Mauris
 Oppida, tum stellas humeris Atlantæ ferentem:
 Vnde Molucha fluit, Maluæq; propinquior unda.
 Hic simul Icosium Cartennæq; arua coluntur,
 Pluresq; indigenis noti cognominis urbes.
 At numidas fines præterfluit Amfaga: post quem
 Hipponis geminæ Colopisq; uidebis utrinq;
 Mœnia, Rusicadaq; solum, sedemq; Siphacis
 Longius à pelago Cyrtam, & quos Tabraca campos
 Incolit: hinc Vticam & magnæ Carthaginis urbem
 Eragada limitibus nimum discernit iniquis.
 Mox geminæ Leptis tractus, Syrtiq; propinqua
 Clupea cum Taphris, ubi fundit in æquora Triton
 Collectas flumio ternisq; paludibus undas.
 Hic circum gentes Nasamonum, Punica late
 Terra patet: mirumq; nimis quod inhospita Syrtis
 Littora Lotophagum diris incingit arenis.
 Proximus hinc sequitur Cinyps, araq; Philænon.
 Mox ad deuexum penitus Catabathmon habebis
 Pentapolis tractum, & claram Ptolemaidis urbem,

LIBER

Hesperiam, Arsinoenq; simul, mediamq; Cyrenen,
 Ammonisq; domum, & geminam procul intus Oasim.
 Marmaridæ posthac passim sine mœnibus ullis
 Vilia dispersi subeum magalia ciues.
 Inde Parætonium Marcoticâq; arua sequuntur,
 Cum campis Aegyptæ tuis, qui littora rubri
 Vasta tenent pelagi, longoq; ex ordine tractu
 Aethiopum terris patrium clauduntur ad austrum.
 Hic perhibent moles per iugera multa iacentes
 Pyramidum celsas superare cacumine nubes.
 Hic Psammæticæ regis labyrinthius error:
 Pluraq; non minus his extant memoranda. sed ultro
 Urbis Alexandri pariter, ueterisq; Canopi,
 Et Pelusiæ gentis prope littora fines,
 Ac procul à pelago celebres recitabimus urbes:
 Antiquæ Memphi iunctam Babylona recentem,
 Bubasti, Taneos, claramq; Hyperionis arcem,
 Hermopolinq;, Cynônq; polin: mox deinde uidebis
 Intus ubi Nilus Cancræ secat astra, Syenen,
 Centiþores Thebas, cultamq; Diospolis aulam,
 Et crocodileis exercita Tentyra monstris,
 Omnigenumq; deum dictis procul oppida terris.
 Inde sub Aegypto minus hospita solis ob æsum
 Terra iacet campi longe lateq; patenis,

Monstrorum

T E R T I V S.

Monstrorum domus, & rapidis loca subdita flammis.
 Decolor Aethiopum populus per littora sparsim
 Obtinet ardentes uario cognomine tractus.
 Troglodytarum cultis hac parte cauernis
 Lucifero primi Blemys iunguntur ab ortu.
 Ast Agsimba procul gelidis discedit ab arctis,
 Atq; umbras rerum uicinos iactat in austros.
 Hic memorant Nilum Lunæ de montibus ortum.
 Per uarios riuos uastisq; paludibus auctos,
 Hinc Elephantinamq; urbem, lateq; patentem
 In medio Meroën concludere: proxima sed post
 Aegyptus latis spaciante flumine campis
 In pelagus Pharium septena per ostia fundit.
 Interius deserta tenent nudi Garamantes,
 Mox Elephantophagiq; Anthropophagiq; feruntur.
 Et Gamphasantes timidi, Satyriq; petulci.
 At procul hesperium late per littora tractum
 Atlantesq; feri, Getulorumq; coloni,
 Nigritæq; habitant, simul & phaurusia pubes:
 Insuper & plures alibi: sed promptius altis
 Nubibus, & nitidis dederim cognomina stellis,
 Quæ im totidem populos, linguas, faciesq; locorum,
 Regnaq; terrarum, cumq; ipsis oppida campis,
 Apricos montes, & opacas undiq; sylvas,

LIBER

Stagnantesq; lacus, & crebri uorticis amnes,
 Littoraq; & gratos possum comprehendere portus.
 Has tamen è multis uariarum nomine rerum
 Percurri breuiter mixtas regionibus urbes.
 Quarum pars superest prisco sub nomine, pars est
 Excidij deleta: locisq; manentibus iisdem,
 Per totidem linguas & secula temporis acti
 Nomina diuersis causis mutata feruntur.

Nunc locus oceani, quæ sunt à Gadibus usq;
 Auroram, & totum quod circumplectitur orbem
 Nereus, æquoreis ambitas dicere terras
 Fluctibus. extremo terrarum fine coluntur
 Cassiteri uenæ celebres grauiore metallo.
 At procul Hybernis succedunt Anglica regna,
 Littoribus Scotiæ coniuncta: sed Anglia primam
 Londinum, & claras per littora continet urbes.
 Orchades hinc multæ numerantur, & ultima Thule.
 Atq; in secessu propior Selandia tellus.
 Vltior Scythicus boreali frigore pontus
 Horret inaccessus glacie densisq; pruinis.
 Multæ autem terræ solis redeuntis ad ortus
 Vndiq; laudatis habitantur in æquore campis:
 Sed uix nomen habent peregrinis uersibus aptum.
 Taprobaneq; orbis medium sortita recessum,

Lucibus

TERTIVS.

Lucibus æquatis depressos conspicit axes.
 Hanc circum oceano uariarum altrice ferarum,
 Quin & Erythraeo plures memorantur in alto.
 Gorgonis hinc sedes, & inhospita tecta Medusæ
 Hesperio tractu surgunt: mox arua beata,
 Et fortunatæ sparso sine semine terra.
 Est etiam ulterius non uisa prioribus annis
 Insula, diues opum cultuq; immanis agresti,
 Quam lucri studium, rerumq; cupido nouarum
 Prima sub extremo conspexit sole cadente.

Illa tamen ualeant: iam nunc propiora sequuntur.
 Herculeoq; freto positis utrinq; columnis,
 Introniſſa fluunt per apertas æquora terras,
 Extantesq; uagis campos mirantur in undis.
 In primis Ophiuſa mari conſurgit Ibero,
 Cumq; ebuſitanis balearica regna colonis,
 Atq; aliæ plures paſſim ſine honore iacentes.
 At breuib; ſpacijs deſpectat corſica tellus
 Littora Sardinie: Tyrrhenum deinde per æquor
 Pontia cum Prochyta, Caprea, Planafia: moxq;
 Scylli ſerox canibus, ſimul & Zanclea Charybdis.
 Auſonia Siculaq; tenent conſinia terra.
 Inde Pithecuſæ, Lipara & Vulcania, poſt quas
 Strongyle, & inueneræ penitus uiſuntur in alto

LIBER

Insula: ante alias sed enim præstantior (olim
 Cyclopum Cererisq; domus) Trinacria montes
 Finibus extremis diuersa per æquora fundit,
 Cumq; Peloriade Lilyben, uastumq; Pachynum:
 Interius celebrem flammis uiuacibus Actnam,
 Atq; Erycis templum, & claras amplectitur urbes,
 Messanam, Catinam simul & megarensia rura,
 Cumq; Syracusis Drepanum, notamq; Panormum,
 Tauromenon, Camerinā, Agraganta, Leōtion, Hyblam.
 Sunt etiam Adriaco Diomedis nomine dictæ,
 Et quas Ionium late circumfluit æquor,
 Phæacum sedes Corcyra, & littus Echinx
 Insula mox Cephalenorum, & nemorosa Zacynthus,
 Illustrisq; Ithaca, & Strophades quas dira Celeno,
 Harpyiæq; aliæ quondam tenuisse feruntur.
 Hinc Theganusa iacet, Veneriq; dicata Cythera,
 Insuper & Salamis, propiorq; Aegina: sed intus
 Myrtoum Sporades fluctu circumsonat æquor,
 Nisyron, Olearon, Theram, Melonq; rotundam,
 Syron & Hippurim, Patmon, uiridemq; Donyfam:
 Inde Lebynthon & Icariam, sparsasq; per altum
 Cycladas, albentemq; Paron, planamq; Seriphon,
 Mox Delon Mycone celsa Gyaroq; reuinctam,
 Florentemq; Cythnon, Sicynon, sacramq; Lyæo
 Naxon,

TERTIVS.

Naxos, et hinc Siphnon, Rhenen, mox Tenō et Andrō.
 Separat Aonijs procul hinc Euripus ab oris
 Euboicas urbes, Chalcin, niueamq; Caryston,
 Ceneiq; iugum, infidumq; Capharea nautis.
 Adde tot Aegæo distinctas æquore terras,
 Sciathon & nitidis lætam Peparethon oliuis,
 Tum Scopelon, Scyrum, & Vulcani mœnia Lemnum,
 Threiciamq; Samum, Tenedon, mox Chion et Imbron,
 Et Mitylenæam spacioſo littore Leſbon,
 Iunoniſq; domum, ſed Aſtypalcia rura,
 Carpathijq; maris Rhodiorum & Apollinis urbes,
 Lindon, Ialyſonq; ſimul, ueteremq; Camiron.
 Illuſtrant etiam Creten hecatompolin urbes,
 Lyctus & hinc Gnoſus, Cydon, Gortyna, Lycasus,
 Atq; aliæ, quarum uix nomina nota ſuperſunt:
 Ida Iouis cunæ, & Dictæi culmina montis,
 Hisq; Samonion adiunges, Criuq; metopon.
 Iſicus inde ſinus Cypri complectitur urbes,
 Cum Salamine Paphū, grauidamq; Amathunta metallis.
 Sed quid nota ſequor? multæ ſine lege iacentes
 Inſulæ oceano in magno, medioq; profundo,
 Partim homini cultæ, partim deſerta ferarum
 Paſcua, neglectis pelagi clauduntur in oris.
 Quedam iam celebres, olim ſine nomine terræ

LIBER

*Multarum nec honor priscus, neq; nomen habetur,
Sed libet hoc portu fessas subducere naues.*

R. V D I M E N T O R V M C O S a mographorum Liber IIII.

Postquam præcipuis cœli terræq; marisq;
Partibus inuesti, uerboq; creata potemi,
Humanæq; manus monumenta stupemus & artem:
Nunc propiora sequi, mundumq; uidere minorem,
Et quicquid propter talem deus ipse creauit,
Ingeniumq; hominis longo quæ repperit usu
Dicere pergemus: superent modò nomina rebus.
Principio terræ dominum, rerumq; potentem,
Præstantem specic, fortunatumq; superni
Numinis aspectu, quamuis damnauerit error
Impius, & diræ subiecit corpora morti:
Non tamen ingenuæ penitus uestigia formæ.
Nec data cesserunt diuina semina mentis:
Quæ solus nouit, solus scrutatur ab alto,
Qui regit affectus uarios, animisq; uigorem
Suggerit, & corpus magnis uirtutibus implet.
At nobis breuiter, quæ sensibus undiq; nostris
Occurrunt notæ referentur carmine partes
Corporis & summo quæ sunt à uertice membra.

Sanguis,

Q V A R T V S.

Sanguis, adeps, cerebrū & pingui cum carne medulla,
 Venarūq; uiae graciles, arteria, nerui,
 Ossaq; membranae, sudoriferiq; meatus,
 Et cum uisceribus distinctae in corpore fibrae.
 Moxq; decus capitis uultus, geminaq; lucerna
 Corporis, & custos tenera palpebra pupillae.
 Occiput atq; aures, cilium, caluaria, nasus,
 Maxillae duplices, & frons sacra pudori.
 Temporaq; & nares, calami stratiq; capilli,
 Elatumq; supercilium, promissaq; barba.
 Mandibulamq; tegens mentum, labiumq; decorum,
 Os hominis, rostrumq; auium, rictusq; ferarum.
 Hinc guttur subit, atq; ino tonsilla palato,
 Et gula dependens à faucibus, inq; recuruis
 Gingiuis dentes, septae munimina linguae.
 Affinis iugulo ceruix, collumq; superbum,
 Spinaq; uertebreis toto firmissima dorso,
 Brachia cum scapulis, humerus, manus, ulna, lacertum,
 Musculus, axillaq; caua, cubitiq; sequentes,
 Palmaq; cum digitis, index cum pollice, uerpus,
 Sinciput atq; uterus, cutis, & cum uentre papilla,
 Et uentris medium, atq; extremi corporis unguis,
 Hinc laterum robur costae, praecordia, mammae,
 Huc stnorum series, cordisq; recessus,

LIBER

Splen cum felle, iecur, pulmo simul ilia, lumbi,
 Et fons morborum stomachus, uescica, renesq̃,
 Pectora cum pugnīs, & edax cum cluribus aluus,
 Mentulaq̃, & femorum partes cum cruribus: indo
 Vulua, nates, inguen, matrix, præputia, testes,
 Cum genibꝫ tali, & gemino cum poplite sura,
 Plantaq̃: cum pedibus, robustaq̃: tibia, coxæ,
 Postremiq̃: simul calces, & quicquid in ipso
 Corpore diuersum superest, propriumq̃: ferarum:
 Concha, pilus squammæ cum pennīs, uellera, setæ,
 Vngula, cumq̃: toris palearia, pellis & armi,
 Cornua cum cristis, mox cauda, proboscis & ala.

Sed dum præcipuos memoramus corporis artus,
 Sensim ad res alias uentum est: pariterq̃: uidende
 Quadrupedum species, sæuarumq̃: ordo ferarum,
 Iunctaq̃: reptilium uarijs insecta figuris,
 Squammigerumq̃: genus pisces, pictæq̃: uolucres:
 Et quicquid natum tellus habet, aër & unda,
 Atq̃: hominis pedibus subiectum, plurima passim
 Sponte sua confert securæ commoda uitæ.
 Principioq̃: duces, aries, & taurus, & hircus,
 Mox equus & mulus, uerres, maialis & agnus,
 Inde sues, ueruex, cumq̃: agris porcus asellis,
 Lanigeriq̃: greges ouium, petulansq̃: capella,

Bubalus

Q V A R T V S.

Bubalus ac barrus, vitulus, bos, uacca, caballus,
 Capreoli, leporesq; leues, & olera canum uis,
 Armenia tigres, iracundiq; leones,
 Cumq; lupis urfi, lynces, panthera, camelus,
 Simius, ichneumon, erinaceus, hinnulus, histrix,
 Rhinoceros, elephas, crocodilus, cercopithecus,
 Tragelaphusq; hippopotamus cum dorcade ceruus,
 Sæuus aper, uolucresq; ibices, pardi; feroces,
 Syluestresq; onagri, uulpes, leopardus & urus,
 Talpaq; luce carens, crocuta, sciurus, hyæna,
 Castores amphibij, lutræ, dama; fugaces,
 Murilegi feles, sorices cum muribus atq;
 Mustelis, glires, uiuerra, cuniculus, hædus:
 Ignotæq; aliæ species atq; ora ferarum,
 Quæ passim uariis sine nomine procreat orbis.
 Corporis exigua sum & quæ mole feruntur,
 Fucus iners, apiumq; genus, uestæq; nocentes,
 Infestumq; crabro pecus, atq; infestius æstrum,
 Musca, culex, bruchus, cynomya, teredo, locusta,
 Atq; hyemis formica memor, segnisq; cicada,
 Blattaq; papilio, tineæ, & cum cimice bombyx,
 Pyrausta simul & nitidis lampyrides alis,
 Curgulio, campe, conuolutulus atq; cerasstes,
 Hinc eruca, pulex, & amica cruoris hirudo,

Stellio, lumbricus, scarabaeus, araneus, aspis.
 Scorpius, aspectuq; nocens basiliscus, echidna,
 Cochica, & infestus serpens, bufrefis & hydrus.
 Tum domiporta subit testudo, lacerta, dracones,
 Tippula, rana, grauis bufo, salamandra, rubeta,
 Cambaris ac limax, scolopendra, phalangia, gryllus.
 Quinctiam liquidis quædam pascuntur in undis,
 Ostrea cum conchis, cancer cum murice, perca,
 Cetus, amansq; hominis delphinus, phoca, balena,
 Versicolor polypus, cum passere salpa marino,
 Carpio cum scombris, & cum torpedine rhombus.
 Cumq; halece scarus, murenaq; sepia, salmo,
 Gobius, aurataq; acipenser, mena, silurus,
 Tynnus & anguille, canis, & cum nugile congrus,
 Hinc lupus ac barbo, mulusq; echenet, hirundo,
 Quiq; ferunt alijs accepta uocabula rebus.
 Inde genus uolucrum cælo quod gaudet aperto,
 Anser, anas, perdix, turdus, gallina, palumbes,
 Nisus & accipiter, motacilla, monedula, miluus,
 Psittacus hinc sequitur, pictisq; nitentia pennis
 Corpora pauonum, phasianus, turtur, hirundo,
 Vocales merula, fringillaq; frigore gaudens,
 Regulus, halcyonesq; & sturnus, alauda, coturnix,
 Attagen atq; apodes, philomelaq; passer, acanthis,

Q V A R T V S.

Pica loquax, aquileq; leues, & garrula cornix,
 Graculus & picus, cuculus, curruca, columba,
 Gryphes hyperborei, phoenix simul ardea, cygnus,
 Struthius ac fulco, & cum porphyrione, pygargus,
 Aërieq; Grues, longoq; ciconia rostro:
 Hinc fulica atq; parix, uultur, ficedula, mergus,
 Et cristatus epops, ibisq; infesta colubris,
 Noctuaq; & meropes, bubo funestus, & otus,
 Nycticorax, ulula, strix, uespertilio, coruus,
 Quæq; locis alio uiuunt sub sole remotis,
 Et peregrina tenent cognomina. Protinus illis
 Quicquid in Alcinoi syluis, & Adonidis hortis
 Crescit, hamadryadum saltus, uiridesq; napæas,
 Et quas immenso tellus producit in orbe,
 Vallibus aut campis, flumijsq; & montibus altis,
 Per uarias species nectemus in ordine plantas.

Primaq; citrus adest, mox cedrus & innuba laurus
 Hinc acer & ficus, pinguesq; sequuntur oliuæ,
 Pampineæ uites, & amictæ uitibus ulmi,
 Persicus atq; pirus, sambucus, amygdalus, ornus,
 Sacra Ioui quercus, frondosaq; tegmine fagus,
 Castaneæq; simul coryli, patulæq; iuglandes,
 Bdellia, lentiscus, fructuq; onerata rubenti
 Arbutus, & lentæ uictoris præmia palmæ,

LIBER

Populus & præcox cerasus, nodosaq; cornus,
 Et platani steriles, curuataq; glandibus ilex,
 Hinc abies, pinusq; uirens, labrusca, cupressus,
 Esculus ac tædæ pingues, ferulaq; minaces,
 Molle siler, piceæ, malus, terebinthus: at inde
 Taxus & amnicolæ salices, lentæq; genistæ,
 Mespilus & morus, larix, oleaster, arundo:
 Mox hebenus, lotusq; & spinis prunus acutis,
 Et cum iuniperis cytisi, fatuaq; mariscæ:
 Hinc tilia molles, & fraxinus utilis hastis,
 Horrentesq; rubri, simul & uiburna, chamædrys,
 Cum rusco sorbus, cum spino myrtus & alnus,
 Perpetuoq; uirens buxus, tenuesq; myrica:
 Milleq; pomorum species, quibus optima tellus
 Expromit uarios ima radice sapes,
 Cum nucleis resinam, & maturo semina fructu,
 Cumq; acinis baccas, glandesq; uuasq; nucesq;.
 Hinc frutices simul & nitidæ cum floribus herbæ,
 Balsama cum casia, thus, myrraq; nardus, amomum,
 Acacia & moly, mox dira aconita sequuntur,
 Narcissus, uiola, & nimium rosa plena pudoris,
 Caulis, cœnanthe, rododaphne & amaracus iris,
 Acorus, hyssopusq; althæa, lauendula, caltha,
 Fœniculumq; anisumq; chelidoniumq; crocumq;

Rugosum

Q V A R T V S.

Rugosum piper, & pallentis grana cumini,
 Et cum lactucis caryophylla, zingiber: inde
 Ozima chærophylumq; immortalesq; amaranthi,
 Et satureia thymi referens thymbræq; saporem,
 Salvia, dictamnus, blittum, colocasia, sandyx,
 Peucedanumq; apiumq; melanthia, petroselinum,
 Ambrosia, & bacca semper frondentis acanthi,
 Capparis & tristes inulæ, corruda, sinapis,
 Artemidisq; chamæpityosq; atq; achrados herbæ,
 Allia cum cepis, coriandra, papauer, anethum,
 Corchorus in lachanis, carex, absinthia, spelta,
 Rutaq; serpillumq; & suaue rubens hyacinthus,
 Silphion, andrachne, raphanus, nasturtia, caules,
 Brassica cum rapis, cyperus, spinachia, porrum,
 Pisa, fabæ, ciceres, reliquiq; leguminis ordo,
 Ordeaq; & milium, far, chondrus, auena, siligo,
 Infelix lolium, uiciæ, tristisq; lupinus,
 Triticæ messes, & humi nascentia fraga,
 Cum scœnugræco staphylinus, aristolochia:
 Hinc eruca salax, scolymus, satyriq; gemelli,
 Marrubium, panicumq; & hyoscyamus, sagapenum,
 Lapsana, uerbascum, plantago, anchusa, simulq;
 Esula cum betis, solanum, strychnus, oryza,
 Lilia, mentastrumq; euphorbia, centaurea,

LIBER

Abrotanum, fefeli, mox & cynoglossa sequuntur,
 Asphodelus, simlax, eryngion, enneaphyllon,
 Pulegij, nepetæ simul & borraginis herba,
 Bettonica & scandix, muscus cum rore marino,
 Inde meliphyllon, phanaces, scammonia, scilla,
 Solsequium, graucolens cunila, ac uerbena, pyrethrum,
 Hellenium, lupulus, buglossa, filix, adianthum,
 Errantes hederæ, lapathus cum baccare, malua,
 Menta, leonpodion, lentes, niueumq; ligustrum,
 Cum rutilus ebuli baccis, melilotus, hibiscus,
 Intybus atq; atriplex, boletus, tubera, fungi,
 Asparagi, pepones, bulbi, gelidusq; citrullus,
 Et tenero cucumis, longoq; cucurbita collo,
 Saxifraga, uriganum, mox glycyrriza, melones,
 Granaq; pæoniæ, uacinia, costus, aizoon,
 Anthemis, & uiscum quod non sua seminat arbor,
 Ptisana, symphytonq; cichorea, myriophyllon,
 Clematis atq; aloë, ladanum, hypericonq; foratum,
 Hinc sifer, helleborusq; duplex, & noxia succo
 Galbana, lonchitis, mox camphora, titthymalusq;
 Mandragoræq; simul flores & mæsta cicuta,
 Spinaq; cum rusco, paliurus, lappa, triphyllon,
 Carduus ac tribulus, rhamnusq; urtica, fæselus,
 Cum pentaphyllo saliuca, dracunculus: inde

Cannabis

Q V A R T V S.

Cannabis & spartum, linumq; anagyrus & eruum,
 Iuncus cum scirpo, simul ulua, papyrus & alga,
 Stirps, radix, folium, flores cum cortice, rami,
 Spicaq; cum siliquis, stipulaq; & culmus, arista.
 Sed quis cunctarum uires & nomina uerbis
 Explicet, aut possit totidem discernere formas?
 Cum plures herbae quam nomina: proinde relictis
 Naturæ rebus, magis explorata sequemur.

Atq; magistratus dicemus & officiorum
 Nomina, & artificum diuersas ordine sectas,
 Archiduces, comites, celsum cum principe regem,
 Induperatorem, chiliarchon, & inde tribunum.
 Hinc subit inuicti miles cum cæsaris armis,
 Satrapa, præfectus, gemino cum consule quæstor,
 Mox proconsul, eques, uexilliferumq; secuti
 Cum ducibus præco, legatus, scriba, satelles,
 Aedilis, prætor, iudex, equitumq; magister,
 Interrex, censorq; grauis, sanctusq; senatus,
 Patricioq; simul cum dictatore decani.
 Carnifici iunctus centurio, licitor & augur,
 Pontificumq; grauis fido cum præside cœtus.
 Ianitor atq; uigil, cumq; edituente sacerdos.

Sunt etiam uariæ famosi nominis artes,
 Quas quis uel casu, uel quas ratione secutus:

LIBER

Hinc professorum uenit longissimus ordo,
 Grammaticus, rhetor, dialecticus, inde sophista,
 Astrologus, geometra simul, iurisq; peritus,
 Philosophus, medicus, post musicus atq; poeta,
 Cumq; mathematico socius chirurgus, & acri
 Physicus ingenio, uates, phonaescus, aliptes,
 Tibicen, historicus, phrygio, tractator arithmi,
 Bibliopola simul sculptor, cocus, archimagirus,
 Chalcographus, solers pictor, praesagus aruspex.
 Inde propola uenit pariter cum litis amante
 Causidico, post hunc fidicen, uespillo, magusq;
 Pannifices, fullo, tubicen, figulusq; sequuntur,
 Institor, aurifices, mercator, pharmacopola,
 Mox lapicida, faber, cytharædus, pellio, textor,
 Cumq; trapezitis, fusor, gemmarius: inde
 Vinitor, herbarum legulus, factorq; papyri,
 Athletæ, pugiles, & cum cursore probatus
 Schœnobates, tonsor, chartarius & gladiator,
 Quiq; simul statuas, unguentaq; cribraq; sellas,
 Carbonesq; solent & uitra parare, quibusq;
 Bractea, marsupium, pariter cimenta, sagittæ,
 Plaustraq; carpentumq; dedisse uocabula constat.
 Funificesq; simul sutor, coriarius: & mox
 Oeconomus, lanius, pincernaq; & architriclinus.
Pistor,

Q V A R T V S.

ristor, & hinc molitor, mensarius, & publicanus:
Tum gladiatorum opifex, & notior hospite caupo,
Nauta simulq; agilis remex, auriga, uictor,
Agricola atq; olitor, piscator, uillicus, auceps.
Hinc durus messor, tornarius, histrio, sartor,
Mulio & ægonomus, uenator, fossor, agaso,
Pastor & upulio, mox bubsequa, mango, subulcus.
Inde gradus ueniunt, & iuncti sanguine coetus,
Agnati pariter cognatorumq; propago,
Affinis, coniunx uxor, procus atq; maritus,
Cum socero, sponfusq; gener, socrusq; nurusq;
Sobrini, patruusq; grauis, geminiq; parentes
Cum genitrice pater, matertera, consobrini,
Germaniq; simul fratres, gratæq; sorores:
Hinc patruelis adest, natiq; simulq; nepotes,
Mox & auus proauusq; & auunculus atq; gemelli,
Fratrìa cum leuiro, iunctusq; sororius: inde
Vitricus, atq; audax sequitur cum glorie nouerca.
Pruiignus pariterq; amita atq; amitinus: at ultra
Patronusq; reusq; cliens, testator & hæres,
Et cum legitimo paruus tutore pupillus.

Nunc simul ingenijs clarorum inuenta uihorum
Instrumenta, operum uariis quæ postulat usus:
Et structurarum partes, luxusq; tegentis

LIBER

Corpus, & escarum percurreret nomina carmen.
 Quamquam hæc de multis sint pauca uocabula rebus:
 Mensa, tripas, flabrum, catinus, scutella, canistrum,
 Vrcus ac scyphus, mox amphora, cantarus, urna,
 Olla, lebes, cacabus, discus, sartago, patella,
 Arca, lagena, cadusq; & cocta fidelia limo,
 Libra, calix, modius, crater, lanx, quadra, salinum,
 Pocula cum calathis, guturnia peluis, amussis,
 Et cum pistillo, mortaria, follis, abenum,
 Fuscina, marsupium, & firmis carchesion ansis:
 Inde ueru, coclear, chytropus, mantile, paropsis,
 Cupaq; cum oculis, cyathi, pateraq; capaces:
 Mox infundibulum, culter, craticula, funda,
 Mappa simulq; abacus, lychnus, cum forfice, cribrum,
 Atq; Cytoriaca plenæ cum pyxide cistæ.
 Tessera cum talis, agilis pila, deinde fritillus,
 Tibia, testudo, cytharæ, tuba, fistula, plectrum,
 Dux laterna uix, speculum, candelabra, sistrum,
 Stragula, lodices, lectus, substrataq; mollis
 Culcitra, puluinar, cunabula, sponda, scabellum,
 Scrimia, ceruical, iunctisq; aulæa tapetis,
 Circinus, ampullæ: mox dentiscalpia, corbes,
 Antlia, rastelli, multrale, catena, batillum,
 Fusus, uerticulumq; colus, glomus, annulus, orbis,

Filaq;

Q V A R T V S.

filaq;, *pecten*, *acus*, simul addita *licia tela*,
 Hinc *dolabra*, *lima*, cum *forcipe*, *malleus*, *incus*,
Ascia cum *terebro*, *cuneus* cum *cote*, *securis*:
 Tum *runcina*, *scopæ*, *fabrilia* *scalpra*, *dolones*,
Torcular, & *prælum*, ac *dentata lamina serræ*,
Sarcula, *uentilabrum*, & *triplici cum falce bidentes*,
Carpentum, *temo*, *currus*, *rota*, *uomis*, *aratum*,
Arbutæ crates, & *mystica uannus tachi*,
Stiuæq; cum *radijs*, *buris*, *ligo*, *canthus* & *axis*:
 Hinc *saccus*, *dolium*, *contextaq;* *fiscina uirga*.
Gausape, *mox restis*, *pluteus*, *lectica*, *cylindrus*,
Tribulaq;, *traheaq;*, & *iniquo pondere rastri*,
Sella quoq; & *phalæ*, *strigiles*, *furcæq;* *bicornes*,
Calcar cum *stimulis*, & *ephippia*, *frena*, *capistrum*,
Retia, *muscipulæq;*, *amites*, *pedicæ*, atq; *matellæ*,
Verriculumq;, *auidisq;* *uoratus piscibus hamus*,
Histaq; cum *clypeo*, *gladius*, *uagina*, *bipennis*,
Claua, simulq; *arcus*, & *plena pharetra sagittis*,
Pugio, *bombardæ*, *catapulta*, *balista*, *flagellum*,
Mantica, *malluium*, *trochus* atq; *nouacula*, *parma*.
 His quoq; diuersæ succedunt ordine partes,
Aedibus in cunctis quæ plusuè minusuè struuntur:
Porticus, *aula*, *domus*, *pauimentum*, *limina*, *postes*,
Ostia, *uestibulum*, & *bifores* cum *cardine ualue*.

LIBER

Atria, triclinium, puteus, coenacula, scamnum,
 Cum locuplete penu stabulum, uiuaria, cellæ,
 Hinc hypocausta, bafes, camera, celsæq; columnæ,
 Iunctaq; cum caueis apotheca, cubilia, fornix,
 Carcer, & effoffo deducta cloaca canali:
 Inde peristylum, testudo, gynæcion, antes,
 Cum fundamento paries, laquearia, portæ,
 Ianua, & interior postica, fenestra, lacunar,
 Pessulus atq; seræ, clauēsq; repagula, uectes,
 Pergula, scala, gradus, podium, præsepe, caminus,
 Moxq; culina, focus, fornax, sumaria, furnus,
 Hortus & impluuium, granaria, balnea, turres,
 Area, protectum simul & subgrundia, culmen,
 Scandula cum trabibus, tegulaeq; & tignus, & imbrex,
 Horrea, cancelli, & summi fastigia tecti.

Sunt etiam nauiſ partes, & multa supellex,
 Malus, & antennæ tranſuerſis cornibus, unde
 Carbaſa dependent, remi, craſſiq; rudentes,
 Tranſtrorum ſeries, pariterq; harpago, carina,
 Ancora cum roſtro proræ, fixusq; repandis
 Puppibus, & certo rectus moderamine clauus.

Indumenta ſimul uario conſecta labore,
 Pellibus & pannis, de bombyce, uellere, lino:
 Purpura, pelliciumq; chlamys, toga, penula, ſindon,
 Pallia,

Q V A R T V S.

Pallia, diplois, strophium, multicia, peplum,
Hinc tunicis manica sunt, & redimicula mitris:
Byssus ad hæc, & cum lato sudaria clauo,
Insulaq; & regale decus diadema sequuntur,
Bullaq; & interula, stola, flammea, uitta, lacerua,
Cingulus & caligæ, braccæ, prætexta, tiaræ,
Balthæus ac thorax, galeæ, mox fibula, cestus,
Fascia, ciliciumq; & prodigiosa cuculla,
Fimbria, reticulum, chirotheca, monilia, palla,
Sandalium, torques, tremulaq; in uertice crista,
Supparus atq; sagum, loricaq; limbus, abolla,
Centones, trabeæ, cum cyclade, lena, calyptra,
Palludamentum, femoralia, bardocucullus,
Calceus, atq; ocreæ, conus, pileusq; galerus,
Cum soleis, crepidæ, socci, celsiq; coturni.

Sunt etiam omnigenum delectamenta ciborum,
Siue ea dura fames reperit, siue ipsa uoluptas:
Panis & intritum, simul & bellaria, pultes,
Assaq; cum frixa atq; elixa carne, medulla,
Condimenta salis, mox & prædulcia mella,
Saccaron, offa, garum, tucceta, tomacla, polenta
Cum pulpamento, scriblita, botellus, & ouum,
Artocreaq; fauusq; recens, obsonia, manna,
Pappaq; færcimen, petaso, placenta, butyrum,

LIBER

Durati sale terga suis, cum sumine, perna,
 Caseus, isfium, succidia, deinde minuta,
 Castaneæq, nuceq, & suaue rubentia mala.
 Hisq; epulis grati miscentur sepe liquores,
 Hydromel, & mulsum, ccreuisia, nectar, acetum,
 Potus aquæ, zythum, cum succo pinguis oliui,
 Cumq; mero, uinum dilutum, ac defruta, mustum,
 Hinc muria latices, & opimi copia lactis,
 Vile serum, uappæq; stupor, siceræq; sapores.

Verum hæc humana diuis concessa saluti,
 Morborum ingenti contra pensantur aceruo:
 Quos tandem pariunt uiciati in corpore primum
 Quattuor humores, cholera & cum sanguine phlegma
 Atq; melancholia: & rerum peruersus abusus:
 Nanq; aër, cibus & potus, motusq; quiesq;
 Somnus & excubia, replendiq; insuper ordo,
 Affectusq; animi, multum dominantur utraq;
 In partem, & prauo generant moderamine morbos:
 Qui partim chronici, partim dicuntur acuti.
 Hinc tußis, spasmus, tetanus, dyspnœa, catarrus,
 Vutul, singultusq;, & cum raucedine rheuma,
 Strumiq; cum gibbo, sycosis, uerruca, cicatrix,
 Vomica, lichenes, uarix, glaucoma, parotis,
 Et cum furfuribus, cumq; intertrigine scyrus,

Lentigo


QVARTVS.


Lentigo ac scabies, & cum porrigine, psora,
 Phthiriasisq; scateus, furunculus, inq; petigo,
 Et quæ uicini corpus contagia ledunt,
 Mydriasisq; simul madarosis, opisthotonosq;
 Polypus, & graueolens oxæna, grauisq; coryza:
 Hinc & alopeciam sequitur cephalæa, ueternus,
 Leucoma, agilops, ophthalmia, branchus & aphtha,
 Trichiasis, uutiligo, simulq; scotoma, synanche,
 Et tactu mentagra nocens, epinyctis & alphas,
 Phthifis, erysipelas, anorexia, syncope & asthma:
 Moxq; paronychia morbo subit algos odonton,
 Hemicræna grauis, manuum nodosa chiragra,
 Lepra, elephantiasis, cancer, gangræna, parulis,
 Hernia, prurigo, rhagades, tumidaeq; mariscæ:
 Inde gonorrhœæ labes, stranguria, & horror,
 Ischias, arthritis, phagedæna, podagra, marasmus:
 Tum dysenteria fluxus, & tormina uentris,
 Cumq; diarrœa, lienteria, atq; tenasmus,
 Icterus, ascites, simul hæmorrois, & hydrops,
 Bulimus & languens dyspepsia, calculus, ichor,
 Colica, lithiasis, dysuria, mox diabetes,
 Cumq; priapismo, bubon obscœnus: at inde
 Cœliacus morbus, pleuritis, & enterocœle,
 Cardiacusq; dolor, tonsilla, nephritis & anthrax,


LIB. QVARTVS.


Incubus, hydrophobus, raptæq; epilepsia mentis,
Quem morbum herculeū dicunt, sacrumq; caducumq;
Infaustumq; inter suffragia committalem:
Nec paralysis abest, pariterq; epidemica pestis,
Ecstasis, & mania furor, atq; insana phrenitis,
Ileos, abscessusq; graues, apoplexia morbus
Sonicus: hinc herpes, & condyloma sequuntur,
Exanthema, simulq; oscedo, cachexia, phlegmon,
Pulmonis splenisq; labor, cephalalgia: febres,
Hectica cum putrida, tritæa, & ephemera, causon,
Quartana, atq; aliæ, quarum discrimina nouit,
Qui solus mundi cunctas speculatur abyssos.
At nos chiliadas rerum numerare parati,
Vocibus in medio priuamur: nec tamen ista
Nomina cum propijs pigeat perdiscere rebus.
Cætera quæ restant, nec sunt numerata sub istis
Versibus, explebunt doctorum scripta uirorum.
Nos quoq; difficili functi mea musa labore,
Cum percussa graui premerentur pectora fluctu,
Arma inter media, & rabiosam dæmonis iram:
Carmina nunc alios potius cantare sinamus.

FINIS.










CIRCVLI SPHAERAE

CVM V. ZONIS,



ORDO PLANETARVM

CVM ASPECTIBVS.




REGIONES ET NOMINA VENTORVM.

SEPTENTRIO.

Θρασκίας	Απαρκτίας	Βορέας
Circius	Septentrionarius	Aquilo
	Nord.	

O. C. C. I. D. E. N. S.
 Αργέσους
 Caurus
 Ζέφυρος
 Fauonius
 Vuest.
 Δίψ
 Africus



O. R. I. E. N. S.
 Κακίας
 Helleſpōtius
 ΑΠΗΛΙΩΤΗΣ
 Subſolanus
 Oſt.
 Εὐρ
 Vulturius

Λιβόνους	Νότ	Εὐρόνοος
	Auſter.	
	Sud.	

MERIDIES.

VNIVERSALIS

Climatum



SEPTE



COSMOGRAPHIA

























































D8049









c

J-549
H775r





